

Augsburg, 24. April 1566

An Joachim Camerarius d. Ä.

BSB, Clm 10370, Nr. 298.

Clarissimo viro, D. Ioachimo Camerario patri etc. Domino et amico suo colendo. Nürnberg oder Leipzig.

S. D. Ego verò, Clarissime vir, istam crudam viridemque senectam tibi gratulor, quae te nulla in re impedit, quo minus officij munus possis exequi. Ego totis annis 16 te natu minor, iampridem nec equestre nec pedestre iter ferre possum, sed curriculo vehi necesse habeo, ἡγύτε κούρη, si quo iter institui. Aduentus tui non longinqui spem penè certam nobis fecerat D. Crato: qua nos excidisse sanè dolemus, nec tamen consilium tuum improbare possumus: praesertim, cum nulla voluntatis atque animi tui alienatione à nobis, id fieri constet. Sturmius hic fuit, sed subitò se hinc proripuit, admonitus (vt est opinio) vt sibi caueret, ne, διὰ πράξεις τινάς κελτικάς ὑποπτος ὥν, eandem quam Rosebergius fortunam experiretur. De Grempij praesentia die abhinc octauo scriptas ad te literas M. Rulichio dedi, qui spectandi studio adhuc hic haeret, Grempius se statim Philippo nostro esse rescripturum, affirmauit. De Republica quid hic decernatur, ex alijs haud dubiè cognoscis. Ego verò valde metuo, μὴ ἐπὶ πολλῷ ἐρράθυμηκότες φανῶμεν. Cos. Hainzelius te amanter resalutat. τὸν ἀτολάριχον totis quinque mensibus non vidi, εἴτε ἀλλοτρίως πρὸς ἡμᾶς, οὐκ οἶδ' ἐφ' ὅτῳ δὴ, ἔχοντα, εἴτε τήν τε μεταβολὴν τῆς τύχης, καὶ κενάς τινας ἐλπίδας αἰσχυνόμενον. Vale, et filijs tuis, τῷ στεφάνῳ καὶ σκήπτρῳ τοῦ γήρως σου, meo nomine multam salutem. Augustae Vindelicorum 8 Cal[endas] Maij. 1566.

Hiero[nymus] Wolfius.